

№36  
ՀՀ ԵՊԲԴ, 2016

112-ԱՆ  
ԶԱՐՈՒԹ



## რედაქტორი ლიკა ალაძაშვილი

ნომერზე მუშაობდნენ: თეა გზირიშვილი, სოფო ალექსიძე, ნატალია გელაშვილი,  
სალომე გელუტაშვილი, ნინო ეკიზაშვილი, მარიამ ჯმუხაძე, მარიამ ნოზაძე

დიზაინი თეა კუპრაძე

<b>01</b>	„112“-ს პონერის პოლიტიკურ ფილორთა დალგარიზმი ვევია .....	83.4
<b>02</b>	გაზათ „ასავალ-დასავალში“ დაავალილი სოფიო პავილინის 06ძერვია .....	83.5-6
<b>03</b>	„112“-ის თანამშრომლების 06ძერვია გაზათ „ავილის პალი- ტრაში“ .....	83.7-9
<b>04-05</b>	„112“-ის თანამშრომ- ლების პლოფესიალი გავითარე- ბა .....	83.10-11
<b>06</b>	სამხაფოო ქალში ალინიკა- ში დაკრიტ ჯარისკაცს არ ტოვებას .....	83.13
<b>07</b>	მარტოხელა მოხავი და თაფ- ფითი მომზადები .....	83.14
<b>08</b>	პოლიციალი ქიბები .....	83.15
<b>09</b>	„ოუკი“ და გადარჩენილი გოგონა .....	83.16
<b>10</b>	პარანია საგზაო ნიშვნები ვილ- ნისის ყველაზე პატარა მაცხოვნე- ბლებისათვის .....	83.18
<b>11</b>	როგორი მაგვალები .....	83.19



01

## „112“-ს პოლიტიკური ოფიციალური დალეგაცია ენდი

შინაგანსაქმეთა სამინისტროს კონგროს დე-  
მოკრატიული რესპუბლიკის პოლიტიკურ  
ლიდერთა დელეგაცია ეწვია, რომელსაც  
პრეზიდენტობის კანდიდატი ქრისტიან  
მალანგა ხელმძღვანელობდა.

ვიზიტის მიზანი საქართველოში მიმდი-  
ნარე რეფორმებისა და დემოკრატიზაცი-  
ის პროცესების გაცნობა იყო.

დელეგაციის წევრების განსაკუთრებულ ინ-  
ტერესს საქართველოში პოლიტიკისა და სა-  
მოქალაქო უსაფრთხოების სფეროში გან-  
ხორცილებული რეფორმები წარმოადგენ-  
და. ამ მიზნით, დელეგაცია შინაგანსაქმეთა  
სამინისტროს აკადემიას, შსს-ს საგანგებო  
სიტუაციების მართვის სააგენტოს, შსს-ს მომ-  
სახურების სააგენტოსა და „112“-ს ეწვია.

კონგრელი სტუმრები შსს-ს აკადემიის სას-  
წავლო პროცესს, ასევე, მომსახურების სა-  
აგენტოსა და მეხანძრე-მაშველების მუშა-  
ობის სპეციფიკას გაეცნენ. დელეგაციის  
წევრებმა „112“-ში განხორციელებული და  
დაგეგმილი პროექტების შესახებ დეტალუ-  
რი ინფორმაცია მიიღეს. სპეციალურად  
მათთვის რამდენიმე პრეზიდენტული მოუწყო,  
რომელიც შსს-ს დაქვემდებარებაში მყოფი  
სტრუქტურების საქმიანობას ასახავდა.

კონგროს დემოკრატიული რესპუბლიკის  
პოლიტიკურ ლიდერთა ვიზიტი საქართვე-  
ლოში ბრიტანული ორგანიზაცია „Enterprise  
and Parliament Dialogue International“-ის ინიციატივით და საქართველოს ბიზნე-  
სისა და ეკონომიკის ცენტრის მხარდა-  
ჭერით განხორციელდა.



02

## გარეთ „ასავალ-დასავალში“ დაბათდილი სოფიო ეკონომიკის ინდერვისი



„ არის შემთხვევები, როცა სასწრავოს იძახებენ, მაგრამ გვაფრთხილებენ, ჯერ მოწესრიგებულები არ ვართ და უცბად ნუ წამოხვალთო! “

### სოფიო კავთელაძე

„112“ ის გამონაკლისი სამსახურია, სადაც თანხის გადარიცხვა ნამდვილად არ უნდა დაგენანოთ - თქვენ მიერ გალებული სიკეთე თქვენვე გიბრუნდებათ. „112“-ს უკავშირდება კველა, ვინც სახლში ხვლიკს აღმოაჩენს, ვინც „შეღონებას“ იგრძნობს, ვისაც დრო აინტერესებს და ისინიც, ვისაც სუიციდის მცდელობა აქვს. როგორ გადაარჩინა, „112“-ის ოპერატორმა 24 წლის გოგონა თვითმკვლელობას, რა უნდა ვასწავლოთ ბავშვებს და რატომ არ უნდა დაგაკავოთ ოპერატორი ტუშილუბრალოდ? - გვესაუბრება „112“-ის ცვლის უფროსი სოფიო კავთელაძე:

- დღეში დაახლოებით 20 000 ზარი შემოდის. თქვენ რომ სუიციდის ფაქტი ახსენეთ, იმ დღეს დარბაზში ვმორიგეობდი და ამ ზართან დაკავშირებით კველა ნიუანსი მახსოვს. ზუსტად ერთი თვის წინათ ახალგაზრდა ქალმა ჩვენს ოპერატორს ირინა მესაბლიუშვილს დაურეკა. მიუჟედავად მიმისა, რომ მოქალაქე სრულიად მშვიდად ლაპარაკობდა, ოპერატორმა ხმაში რაღაც ისეთი შეამჩნია, რომ უურადღებოდ არ დატოვა და ბოლომდე მიჟყვა. გოგონამ პირდაპირ იყითხა - 100 საძილე აბი, რომ დალის ადამიანმა რა მოუვაო? ხმის „წაკითხვა“ შეგვიძლია, მაგრამ ვიმეორებ, კითხვა აპსოლუტურად მშვიდად იყო დასული. ოპერატორმა იყითხა - დალის ვინმემო? მან

უპასუხა - არა, მხოლოდ მაინტერესებს, რა მოუვაო და ტელეფონი გათიშა.

საერთოდ, მედიკამენტებთან დაკავშირებით ხშირად გვისამენ შეკითხვებს, მაგრამ 100 საძილე აბი, სახუმარო საქმე ნამდვილად არაა. ამიტომ ოპერატორმა შემოწმების მიზნით ზარის ავტორს დაურეკა - დახმარება ხომ არ გვირდებათო? რაზეც კვლავ მშვიდი პასუხი მიიღო, ცველაფერი წესრიგშია, უბრალოდ ვიკითხე და ნუ მაწუხებთო.

- როცა ტელეფონის ნომერი ფიქსირდება, თქვენს სამსახურს შეუძლია ამის მიხედვით მოქალაქის ადგილმდებარეობის განსაზღვრა?

- „112“-ში რა მისამართიდან შემოდის ზარი ამ ეტაპზე არ ფიქსირდება. მოკლედ, ოპერატორმა რამდენჯერმა სცადა გოგონასთან დაკავშირება და მისამართის გაეგება, თუმცა ამაռო. ის ტელეფონში დარეკვისტანავე თიშავდა. ოპერატორი მიხვდა, რომ შესაძლოა, მისი ეჭვი გამართლუბულიყო და წამებიც კი გადამწვეტი ყოფილიყო, ამიტომ ბაზაში სასწრაფოდ მოძებნა აღნიშნული ნომრიდან მანამდე განხორციელებული ზარი, ჩაინიშნა მითითებული მისამართი და ადგილზე დაუყოვნებულივ სასწრაფო სამედიცინო დასხმარების ბრიგადა გაგზავნა. ექიმებს 24 წლის გოგონა უგონოდ დახვდათ, მას მართლაც 100 საძილე აბი ჰქონდა დალეული და რომ არა ჩვენი ოპერატორის მიხედვიდრობა, სიცოცხლეს თვითმკვლელობით დაასრულებდა.

არ დამავიწყდება შარშანდელი შემთხვევა, როცა პატარა ლექსო ბოჟაძემ, დარე-

კა და გვითხრა, რომ დედა ყავდა ცუდად. მისი ხმა დღესაც მახსოვეს! ბაგშები სათა-მაშიდ, ხშირად რეკავენ, მაგრამ ლექსოს ხმაში ისეთი ემოცია ისმოდა, ისეთი ტკი-ვილი, ვერ აგიწერთ. გვითხრა - დედა საწოლიდან გადმოვარდა, პირიდან ქაფი გად-მოსდის და ცუდად არისო. ოპერატორმა თავი დაიზღვია და მაინც ფრთხილად ჰყი-თხა - კი წამოვალთ, მაგრამ ხომ არ თამა-შობო? ბავშვი შეგვეხვდა: არა დედა მართლა მიკვდება და მოდითო. ამის შემდეგ უკვე მისამართის დაზუსტება დავიწყეთ. პატარა ლექსომ იმდენად კარგად აგვიწერა სად ცხოვრობდა, სასწრავო სამედიცინო დახმა-რების მანქანა ეზოში საიდან უნდა შესუ-ლიკო, ისე დეტალურად აგვისხნა ყელა ნი-უანი, გაოცებული დაგრძიჩო! კიდევ გვითხრა, რომ კარს ვერ გაგვიღებდა, რადგანაც საკეტს ვერ სწორდებოდა და შემოგვთავაზა, რომ მა-შეელექს გასალექს ფანჯრიდან გადაუგდებდა! ვიმეორებ - ბავშვი ისე გვემარებოდა, რომ ბევრს მოზრდილს შეშურდებოდა. თან არ დაგვიწერთ, გარალელურად ცუდად მყოფ დედას ეკონტაქტებოდა და ამშვიდებდა. დე-დმისი გადარჩა და პაწია ლექსო დაჯილ-დოვდა, როგორც საუკეთესო მოქალაქე.

- გასაგებია, რომ თქვენთან გადაუდე-ბელი დახმარების საჭიროების დროს რეკავენ, მაგრამ უცნაური ზარებიც ხომ არის?

- როგორ არა: რეკავენ, როცა საათის გა-გება ან პიცის სახლში მიტანა სურთ! საუ-ბარში გახსენებ და მართლაც ხშირია, რო-ცა აგადმყოფის სიმბტომებსაც გვიხსნიან და ტელეფონით კონსულტაციას ითხოვენ. არის შემთხვევები, როცა სასწრავოს იძახებენ, მაგრამ გვაფრთხილებენ, ჯერ მოწესრიგებულები არ ვართ და უცბად ნუ წამოხვალთო.

- თმის დავარცხნას აპირებენ თუ და-ხევას?

- არ ვიცი! მაგრამ ჩვენი მოქალაქების უმ-რავლესობას რომ სახლში საათი არ აქვს, ფაქტია! არცთუ იშვიათად, როცა დროს გვე-კითხებიან და ვპასუხობთ, რომ, მაგალი-თად, 12 საათია, შემხვედრი კითხვაა - დღის

თუ ღამის? ხშირად სიმპტომებს შემდეგი ფრაზებით აგვიწერენ: „გულის პრანგვა“ „ბავშვი ლონდება“.

### - ეგ რას ნიშნავს, რამ დაალონა?

- ანუ გული უხდება ცუდად. ოპერატორებს მსგავსი სიტკები უკვე ათვისებული აქვთ, რადგან ანამნეზი უკველთვის გჭირდება, უნდა ვიცოდეთ, რასთან გვაქვს საჭმე. ერთმა მოქალაქემ დაგვირეკა და კატე-გორიულად გვითხრა, ამერიკულმა კრა-ზანამ მიკბინა და ტეხინარობა მაქვსო.

### - ესეც გულის აჩქარებას ნიშნავს?

- ტეხინარობა სახსრებში ტეხას ნიშნავს - პრაქტიკა ცელაფერს გვასწავლის! ერთ ამბავსაც გავიხსენებ: ოპერატორს ზარი შე-მოვუიდა, ქალბატონმა დათრგუნვილი ხმით უაბათ, რომ მისი შვილები მამას ჟყა-და წავავილი და მათთან ურთიერთობის საშუალებას არ აძლევდა. ქალს ბავშვები ენატრებოდა და სასოწარკვეთილი იყო. ამას დაერთო ფრაზა: წეტავ ბოლოს შვი-ლები მენახაო. ოპერატორმა ქალისაუბარ-ში შეიყოლია, თან შეეცადა, მისი ადგილ-სამყოფელი გაეგო - ამასაც სხვათაშორის არკვედა, თითქოს სიტყვას მოჰქონდა, რა-დგან როცა ადამიანებს სუიციდი აქვთ ჩა-ფიქრებული, დახმარებაზე კატეგორიულ უარს ამბობენ. ადგილი დადგინდა და ბა-რალელურ რეჟიმში ყველა სამაშველო სამსახური გაიგზავნა! მართლაც, აღმო-ჩნდა რომ ეს ქალბატონი უკვე მტკვრის პი-რას იყო და გადახტომას აპირებდა, როცა სამაშველომ მიუსწრო.

კიდევ უამრავი ამბის მოყოლა შეიძლება, მაგრამ დრო იწურება და ბოდიშს გიხდით, დარბაზში უნდა შევიდე. ვიცი, რომ თქვენს გაზეთს უამრავი ადამიანი კითხულობს და ამიტომ უდიდესი თხოვნა მაქვს - თამაშისა და გართობის მიზნით ხაზს ნურავინ და-კავებს, რადგანაც, შესაძლოა, ამ დროს ის ვერ დაგვიკავშირდეს, ვისაც დახმარება ნამდვილად სჭირდება!

„112“-ის თანამშრომლების ინტერვიუ  
გაზათ „ავიტოს პალიტრაზი“

„ უკელაზე მძიმე სუიციდის ზარებია...  
...ხშირად გვირეკავენ ხანში შესუ-  
ლი მოქალაქეები და გვეკითხებიან,  
გათენდა თუ დაღამდა, ან რომელი  
საათია... ზოგი მარტოა და  
უბრალოდ ლაპარაკი სურს... “

ეს ადამიანები 24 საათის განმავლო-  
ბაში მუშაობენ და ძალიან ბევრი ტრა-  
გეფისის მოწმენი არიან. გასახსენებელიც  
ბევრი აქვთ, თუმცა ძალიან უჭირთ იმ  
ემოციების გადმოცემა, რომელიც თი-  
თოვეული მოქალაქის ზარს მოაქვს. ჩვე-  
ნი რესპონდენტები „112“-ის თანამშრო-  
მლები არიან.

### „ბოლომდე მაინც ვერ თმობენ სი- ცოცხლეს...“

ირინა მესაბლიშვილი, ოპერატორი: - ძა-  
ლიან რთული მოვალეობა გვაკისრია.  
გირეკავს ადამიანი, რომელიც განსა-  
ცდელშია და შენ წამებში უნდა დაეხმა-  
რო - მისამართი დაადგინო და მასთან  
დამხმარე ჯგუფი გაგზავნო. ეს თუ არ  
გამოცადე, ვერ მიხვდები, რას ნიშნავს  
„112“-ის ოპერატორობა...

უკელაზე მძიმე სუიციდის ზარე-  
ბია... არ ვიცი, რატომ რეკავენ ისინი, ალ-  
ბათ, სიცოცხლის დათმობა მაინც უჭირთ...  
უკანასკნელი ასეთი შემთხვევა ივნისში  
მოხდა და, საბედნიეროდ, კარგად და-  
სრულდა: მობილური ტელეფონით და-  
რეკა გოგონამ და მყითხა, ადამიანმა 100  
აბი საძილე საშუალება რომ დალიოს,  
რა მოუვაო? შევშლოთდი. ვინმეს ხომ  
არ დაულევია-მეთქი, გვითხე, არაფერი

უთქვამს, ტელეფონი გათიშა. გულმა  
მიგრძნო, რომ ეს საცუვო ზარი იყო. კიდევ  
დავურეკე და დალაპარაკება ვცადე - მი-  
სამართის გაგება მსურდა, მაგრამ არ მეუ-  
ბნებოდა. ზოგჯერ, როცა სუიციდის განზრა-  
ხვით რეკავენ, მისამართს გვეუბნებიან, მან  
კი ტელეფონი საურთოდ გამოირთო. როგორც  
ჩანს, სიცვდილი არ ეწერა - მისი მისამართი  
დავადგინეთ და სასწრაფო სამედიცინო და-  
ხმარების ბრიგადა და პოლიცია გავგზავნეთ.  
ექიმებს ახალგაზრდა ქალი უკონ მდგო-  
მარეობაშიონ დახვდათ, მაგრამ მისი გა-  
დარჩენა შეძლეს.

ჩემმა კოლეგამაც გადაარჩინა ახალგაზრდა  
კაცი, რომელიც ხიდის მოაგირზე იდგა და  
მტკვარში გადახტომას აპირებდა. წარმოი-  
დგინეთ, ოპერატორს მხოლოდ ერთი წუთი  
აქვს, ამ უმცირეს დროში უნდა დაადგინოს  
აბინენტის მისამართი. თუმცა, როდესაც  
ასეთი ზარი შემოდის, ვცდილობთ დიდხანს  
ვესაუბროთ, ვინაობა და კოორდინატები გა-  
ვარკვითოთ, რომ როგორმე მიუჟსწროთ. ამ  
შემთხვევაშიც ასე მოხდა: ოპერატორმა მამა-  
კაცი საუბრით შეიქოლია და ვიდრე თავის  
მოკვლას გადაწევებდა, პოლიციმ და სამა-  
შველო ბრიგადამ მიუსწრეს. ერთი კვირის  
შემდეგ იმ კაცმა დარეკა და ოპერატორს მა-  
დლობა გადაუხადა.

### ბავშვები - უკელაზე საზრიანი „მაშვე- ლები“

რამდენიმე ბავშვის ამბავს მოგიყვებით, რო-  
მლებმაც შესაშური საზრიანობა გამოიჩი-  
ნეს და ახლობლები სიკვდილისაგან იხსნეს.  
ძალიან გონიერი თაობა მოდის: მისამართ-  
საც სწორად გვეუბნებიან და მაქსიმალურად  
გვეხმარებიან, ეს მაშინ, როცა უფროსებს

აფექტის მდგომარეობაში ხშირად საკუთარი მისამართი, მეტიც, ვინაობაც კი ავიზუდებათ... ასე გადაარჩინა 11 წლის დეა გელაძემ თავისი ბებია. დეა ბებიასთან ერთად შინ მარტო იყო, როდესაც მოხუცი ცუდად გახდა. გოგონამ დაგვირეკა და ვიდრე მათთან სასწრაფო დახმარების ბრიგადა მივიღოდა, ყველა რეკომენდაცია შესარულა, რაც ოპერატორმა უკარნახა. ხანდაზმულ ქალს წამებში მიუსწრეს.

7 წლის ლექსო ბოჟაძემ კი, დედა იხსნა სიკვდილისგან: ბიჭმა დაგვირეკა და გვითხრა, რომ დედამ მოულოდნელად კონება დაკარგა. როგორც გაირჩვა, ეს ბუნებრივი აირის გაუონვის ბრალი იყო და ვინ იცის, იქ რა მოხდებოდა...

ამ ბაგშვებს „112-ის გმირის“ წოდება მიანიჭეს, ლექსომ კი, საერთაშორისო დაკილდობების ცერემონიაზეც გაიმარჯვა ნომინაციაში „საუკეთესო მოქალაქე“.

### 1967 წელს მოპარული მარჩენალი ძროხა

„112“-ში სახალისო ზარებიც შემოდის. იმ წუთებში კი ძალიან ვბრაზდებით, მაგრამ მერე გვეცინება. რამდენიმე დღის წინ ერთ-ერთი რეგიონიდან მირეკავს მამაკაცი და მიუვება, როგორ მოიპარეს მისი მარჩენალი ორი ძროხა. რა თქმა უნდა, მისამართი გამოვკითხე და სანამ პოლიციას გავგზავნიდი, ვკითხე, ეს ამბავი როდის მოხდა-მეთქი? 1967 წელს, მიპასუხა.

### ოჯახური ძალადობის მსხვერპლი...

ოლიკო გვერეტაძე, ოპერატორი: - ძალიან ხშირია ოჯახური კონფლიქტის გამო შემოსული ზარები. ასეთ ძროს, ძირითადად, მეზობლები რეკავენ, თუმცა, არის შემთხვევები, როდესაც ძალადობის მსხვერპლი თავად ახერხებს დარეკვას.

ერთი ფაქტი უნდა გავიხსენო, რომელიც განსაკუთრებით დამამახსოვრდა: ქალმა დარეკა, ძლიერ ლაპარაკობდა, ყურმილში კი, ბავშვების წივილ-კივილი, მამაკაცის ლანდღვა-გინებისა და ნივთების მტკრევების ხმა ისმოდა. შემზირებული ქალი მისამართსაც ვერ მეუბნებოდა. ვთხოვე, ტელეფონი ჩართული დაეტოვებინა და ჩხუბის ძროს, ისე, რომ მეუღლე ვერ მიმვდარიყო, როგორმე თავისი მისამართი ეთქვა. ასე გავარკვიეთ ამ ოჯახს ადგილმდებარეობა და სასწრაფოდ პოლიცია გავუშვით... რომ არ მივშელებოდთ, ალბათ, ეს ინციდენტი ცუდად დამთავრდებოდა... მქონია რამდენიმე შემთხვევა, როდესაც პირიქით, ქალი ძალადობდა მამაკაცზე.

### „ქალს დაჭრილი მამაკაცი გზაზე გადაუხტა...“

კიდევ ერთი ზარი მასხსენდება: დარეკა ახალგაზრდა ქალმა - დაჭრილი მამაკაცი გზაზე გადმომისტა და მთხოვა, მანქანაში ჩამსვიო. ქალს შესცოდების უცრიბი და სამედიცინო პუნქტამდე მისაუვანად მანქანაში ჩაუსვამს. აღმოჩნდა, რომ მამაკაცი ვიღაცებს უცემიათ და მანქანით უკან მისდევდნენ...

შეშინებული ქალი თან მანქანას მართავდა და თან ტირილით ცდილობდა, ადგილმდებარეობა აესნა... ვიდრე პოლიციელები იმ ადგილამდე მივიღოდნენ, ტელეფონით ვამშვიდებდი... საბედნიეროდ, ის ქალი ხიფათს გადაურჩა.

### „112“-ის ექიმი იდგა ტუმბოზე და „ავადმყოფს“ ფარდას უკიდებდა

სოფო ალექსიძე, „112“-ის საზოგადოებასთან ურთიერთობის სამსახურის უფრონისი: - ჩვენთან დღე-ლამის განმავლობაში საშუალოდ 20 000 ზარი შემოდის და აქერან მხოლოდ ნახევარია გადაუდებელი

შემთხვევა. დანარჩენი ზარები არამიზნობრივია. ხშირად გვირეკავენ ხანში შესული მოქალაქები და გვეკითხებიან, გათენდა თუ დალამდა, ან რომელი საათიაო... ზოგი მარტოა და უბრალოდ ლაპარაკი სურს. ამბობენ, რომ წნევა აქვთ, ცუდად არიან, მიღიან ექიმები და არა-ფერი სჭირო.

ამას წინათ მოქალაქემ დარეკა, მასთან ექიმები მივიღნენ და აღმოჩნდა, რომ ფარდის დაკიდება სურდა... სამახსოვრო სურათიც გადაიღეს: „112“-ის ბრიგადის ექიმი იდგა ტუმბოზე და „აგადმყოფს“ ფარდას უკიდებდა. ერთ-ერთს საკაბელო ტელევიზია გაეთიშა და გვირეკავდა, როგორმე დამაკვალიანეთო. ხშირად გვირეკავენ, რომ ფული არა აქვთ და ძალიან სჭირდებათ...

არსებობს მოქალაქეთა ჯგუფი, რომლებ-

საც „ქრონიკები“ დავარქვით, ისინი დღე-ღამეში 400-500-ჯერ რეკავენ ცენტრში. გვეუბნებიან, რომ ხანძარია, მეზობელი ცუდად არის ან ქუჩაში ჩხუბია... წინასწარ ვიცით, რომ ცრუ განგაშია, თუმცა არა გვაქვს უფლება, საგანგებო სამსახური არ გავუშვათ...

ყველამ უნდა გავიაზროთ, რომ როდესაც „112“-ში არამიზნობრივად ვრეკავთ, დაკავშირების შესაძლებლობას ვართმევთ იმას, ვისაც დახმარება მართლა სჭირდება და ყოველი წამი გადამწყვეტია. ამიტომ ყველას გთხოვთ, „112“-ზე მხოლოდ მაშინ დარეკავთ, როდესაც აუცილებელია.

## ხათუნა ჩიგოგიძე



# 04

## „112“-ის თანამდებობების ეკონომიკური ურთისაში



College of Europe  
Collège d'Europe

Brugge



Natolin

„112“-ის თანამშრომლებმა, გიორგი კიკვაძემ და ქრისტინე ბაბუნაშვილმა წარმატებით ჩააბარეს ევროპის კოლეჯის ელექტრონული გამოცდები და დამატებითი სასწავლო კურსის გასავლელად პოლონეთში გაემგზავრნენ.

კურსი 29 აგვისტოდან 2 სექტემბრის ჩათვლით ჩატარდა. ტრენინგების/სემინარების ძირითადი პროფილი იურიდიული შინაარსის იყო. კურსი გამიზნულია, როგორც ევროპის კავშირის ზოგადი საკანონმდებლო სივრცის, ასევე ცალკეულ სახელმწიფო ებთან (მათ შორის, საქართველოსთან) ასოცირების დოკუმენტე-

ბით გათვალისწინებული ვალდებულებების უკეთ გასაცნობად.

ქვარშავაში მდებარე ევროპის კოლეჯის ნატოლინის კამპუსმა განახორციელა ევროპის კავშირის აღმოსავლეთ და სამხრეთ სამეზობლო პოლიტიკის დოკუმენტებით გათვალისწინებული ელექტრონული სასწავლო პროგრამა, რომლის მეშვეობითაც, რეგისტრირებულ მომხმარებლებს შესაძლებლობა ჰქონდათ ჩაებარებინათ ელექტრონული სასწავლო კურსის სხვადასხვა მოდული, ევროკავშირის სამართლის ცალკეულ მიმართულებებში, ხოლო წარმატებულ აპლიკანტებს მომწვევი მხარის მიერ დამატებით ეძლეოდათ შესაძლებლობა გამგზავრებულივწენენ პოლონეთში, ქ. ლოდში და უშუალო მონაწილეობა მიელოთ შესაბამის ტრენინგებში/სემინარებში.

ალსანიშნავია, რომ პირველადი ინფორმაცია სასწავლო კურსის და სარეგისტრაციო პროცედურების შესახებ „112“-ის თანამშრომლებმა შინაგან საქმეთა სამინისტროს ადმინისტრაციისგან მიიღეს.

05

## „112“-ის პროგრამისტები დაბაიში ტრანსმისი დასრულება



2016 წლის 20-26 აგვისტოს, შსს სსიპ „112“-ის პროგრამისტები, გიორგი კივილაძე და ბექა კახელი მივლინებით დუბაიში, არაბთა გაერთიანებულ საამიროებში იმუნიტებოდნენ.

მივლინების ფარგლებში, Asterisk Advanced ტრენინგს დაესწრნენ. კურსი გრძელდებოდა 5 დღის განმავლობაში.

„კურსის მსვლელობისას ჩავულრმავდით Asterisk სისტემის ისეთ შესაძლებლობებს, რომელთან შეხებაც არ მოგვიწევდა „112“-ის სისტემის

უკველდლიური ადმინისტრირებისას. ამ შესაძლებლობების ახლოს გაცნობამ იმდენად გააფართოვა ჩვენი პროფესიული თვალსაწიერი, რომ დარწმუნებული ვარ, მომავალში არა ერთხელ გამოვიყენებთ მიღებულ გამოცდილებას.“

ტრენინგიდან მიღებული გამოცდილება იმითაც არის გამორჩეული, რომ სამომავლო გადაწყვეტილებების მიღებისას გავითვალისწინებთ ახლად გაცნობილ შესაძლებლობებსა და საერთაშორისო გამოცდილებას. „  
- აღნიშნეს ტრენინგის მონაწილეებმა.

აღსანიშნავია, რომ ტრენინგი იყო Digium-ის მიერ სერტიფიცირებული, ხოლო კომპანია DVCOMM TECHNOLOGY LLC, სადაც ტარდებოდა ტრენინგი აქტიურად არის ჩართული უახლესი ტექნოლოგიების დანერგვაში (ერთ-ერთი მიმდინარე პროექტი - საკომუნიკაციო სისტემის აწყობა დუბაის პოლიციისთვის).



## 06

## სამხედრო ძალები პლინიაზი დაზრდილ ჯარისაც არ ტოვებს

ინტერნეტ სივრცეში გავრცელდა ფოტო, სადაც ალბეჭდილია დაჭრილი ჯარისკაცი, რომელიც კლინიკაში უგონო მდგომარეობაში წევს. საოცარი კი არის ის, რომ მას გვერდიდან არ შორდება გერმანული ნაგაზი, რომელიც საბრძოლო მოქმედებებში მასთან ერთად მონაწილეობდა.

როგორც ინტერნეტ პორტალი One Green Planet-ი წერს, სამხედროების არა ერთი მცდელობის მიუხედავად, ძალმა არ დატოვა პატრონი და კლინიკაში მეგობრის გამოჯანმრთელებამდე რჩება.

ეს ფოტო კიდევ ერთხელ ადასტურებს, რომ ძალები არიან უველაზე ერთგული არსებები, რომლებისთვისაც პატრონი უველაზე და უველაფერზე ძვირფასია. იშვიათი შემთხვევა არ არის, როდესაც ძალლს საკუთარი სიცოცხლის ფასად ადამიანები გადაურჩენია, მათ შორის ომში ბრძოლის დროსაც.

წყარო: [www.zooclub.ge](http://www.zooclub.ge)



## 07

## მართონებული მოხაცი და თაღლითი მოვალეობი



აშშ-ს ტენესის შტატში, 911-ში 79 წლის მოხუცმა დარეკა, რომელმაც განაცხადა, რომ ის მომვლელმა გაძარცვა, მისი საბანკო ანგარიშებიდან მთლიანი თანხა მოხსნა და ადამიანი, რომელსაც დახმარების გარეშე გადაადგილებაც კი არ შეეძლო, უპატრონოდ მიატოვა. თუმცა, მოხუცი ამას ალარ დართობდა... როგორც აღმოჩნდა, ის ორი დოის განმავლობაში სრულიად მშიერი გახლდათ და თავს უკვე ძალიან ცუდად გრძნობდა.

- „ცუდად ვარ, შიმშილისგან გული მიმდის, თუ არ შეგაწუხებთ, შეგიძლიათ ცოტა-ოდენი საკვები მომაწოდოთ?“ - აკანკალებული ხმით უთხრა მოხუცმა 911-ის ოპერატორს. პოლიციის ადგილობრივი განყოფილების თანამშრომლები საოცრად შეძრა ამ ამბავმა, სასწრაფოდ შეაგროვეს გარკვეული თანხა და მოხუცს საკვები და პირველადი მოხმარების პროდუქტები მიუტანეს. თაღლითი მომვლელი კი მალევე დააკავეს და სასამართლომ საკადრისი განაჩენიც გამოუტანა.

მოხუცს ახალი მომვლელი მიუჩინეს, რომელიც დიდი პასუხისმგებლობით ასრულებს თავის მოვალეობას. პოლიციის ოფიციები კი ხშირად სტუმრობენ ახლად შეძენილ „მეგობარს“ და მოწყენის საშუალებას ალარ აძლევენ მას.

08


## პოლიციალი ძირის :)

---

ნიდერლანდებში, გადაუდებელი დახმარების ნომერზე მცირეწლოვანმა ბავშვმა დარეკა, რომელსაც დედა ჰყავდა ცუდად. სასწრაფოზე ადრე, მისამართზე პოლიციის ეკიპაჟი მივიდა. პოლიციელებს ქალი უგონო მდგომარეობაში დახვდათ. ის სახლში მარტო იმუოფებოდა 5 მცირეწლოვან ბავშვთან ერთად. სასწრაფოს ბრიგადამ ახალგაზრდა დედა საავადმყოფოში გადაიყვანა, მას ჰიპოგლიკემიური კომა (სისხლში გლუკოზის დაბალი შემცველობა) აღენიშნებოდა.

ჟველაზე საინტერესო კი ის ფაქტია, რომ პოლიციის ეკიპაჟის ორი წევრი ბავშვებთან დარჩა სახლში, რათა პატარებისთვის სადილი მოემზადებინათ და ნათესავების მოსვლამდე მარტო არ დაეტოვებინათ ისინი.

**წყარო:** [www.ici.ge](http://www.ici.ge)



# 09

## „ლაქი“ და გაფარხენილი გოგონა

ეს ისტორია იტალიის ერთ-ერთ სანაპიროზე მოხდა, სადაც ოფიციალურად წებადართულია შინაური ცხოველის ზღვაში ბანაობა. ლაბრადორი „ლაქი“ სანაპიროზე თავის პატრონთან ერთად ისვენებდა. 3 წლის ძალი, რომელსაც წყლის მაშველის კურსებიც აქვს გავლილი, ყველას მიმართ სითბოთი და სიუგარულით გამოიჩინდა. „ლაქი“ და ანა სანაპიროზეს პეციალურად გამოიყოფილ ადგილზე იმყოფებოდნენ, სადაც ცხოველისთვის ცურვა წებადართულია, თუმცა, როდესაც ცხოველი ერთ-ერთმა დამსვენებელმა დაინახა, ჩეუბი ატეხა და განცხადა, რომ ძალები დაავადებების მატარებელნი არიან და ის და მისი 7 წლის შვილი არ ჩავიდოდნენ წყალში, სანამ „ბინძურ“ ძალის იქაურობას არ მოაშორებდნენ.

ანამ ბოდიში მოიხადა და „ლაქი“ დაუუკოვნებლივ წყლიდან ამოიყვანა.

მალე ბავშვი, რომლის მშობელმაც ბევრი იჩეუბა ძალის გასაგდებად, წყალში ჩავიდა და გაცურა. უეცრად ის ტალღებმა დაფარა... დედა მეგობრებთან საუბრობდა და „ლაქის“ გარდა, არავის შეუძრევი, როგორ იხრჩობდა გოგონა. ერთგული ცხოველი დაუუკოვნებლივ გადახტა წყალში, კბილები ჩავლონ ბავშვს და ნაპირზე გამოიყვანა.

საბედნიეროდ, გოგონა გადარჩა, ბავშვის დედამ კი სახალხოდ ბოდიში მოიხადა ანასა და „ლაქის“ წინაშე და გულში ჩაიკრა გმირი ცხოველი, რომელმაც მისი შვილის სიცოცხლე იქსნა.

**წყარო:** [www.thesun.co.uk](http://www.thesun.co.uk)





## 10


**პარაზიტების საგზაო ნიშნები ვიღნიასის  
ყველაზე პატარა მაცხოვრებლებისათვის**

---

ვიღნიუსში ცხოველების მოყვარულების ჯგუფმა სახალისო პროექტი განახორციელა. მათ სხვადასხვა ცხოველის გამოსახულებებით პაწაწინა საგზაო ნიშნები გააკეთეს.

ამ პროექტის მიზანი იყო, მოქალაქეებისთვის შეეხსენებინათ, რომ ჭალაჭში ადამიანების გარდა, სხვებიც ცხოვრობენ.

წყარო: [www.zooclub.ge](http://www.zooclub.ge)



## რობოტი მაშველი

რობოტი-მაშველი ადაპტირებულია ექსტრემალურ გარემო-პირობებთან და აქვს საშუალება უპრობლემოდ იმუშაოს ისეთ ადგილებში, სადაც ძლიერი დაკვამლიანების გამო მეხანძრე-მაშველების ჯანმრთელობას შესაძლოა საფრთხე დაუმუქროს.

რობოტს შეუძლია მინიმუმ ხუთ მეხანძრე-მაშველის ფუნქცია შესარულოს ერთდროულად.




VIRUS

ეს რობოტი კი განკუთვნილია ტყის მასშტაბურ ხანძრებთან საბრძოლველად. მისი მექანიზმი და აღჭურვილობა იდეალურია ძნელად მისადგომ ადგილებში გავრცელებული ხანძრების ლოკალიზებისთვის. ის უამრავი ინსტრუმენტითაა აღჭურვილი, რომელიც ასეთი შემთხვევების დროს შესაძლოა მეხანძრე-მაშველებს დასჭირდეთ. საგანგებო სიტუაციებში რობოტი-მეხანძრე მაშველების შეუცვლელი დამხმარეა.



Mechatronics.ru



[www.112.gov.ge](http://www.112.gov.ge)